

八經同卷

佛說檀持羅麻油述經

佛說護諸童子陀羅尼呪經

諸佛心陀羅尼經

拔濟苦難陀羅尼經

行四

八名晉密陀羅尼經

佛說持世陀羅尼經

佛說六門陀羅尼經

清淨觀世音菩薩普賢陀羅尼經

行四

佛說檀持羅麻油述經

東晉西域三藏竺曇無蘭譯

佛在摩竭國因沙奪山中時佛子羅云隨佛
在山中羅云夜卧爲鬼神所嬈驚起明日至
佛所爲佛作禮却在一面樹下坐羅云以手
扶頰低頭不樂默然不語佛即問羅云何以
低頭如鬼怖狀羅云言我昨日夜卧爲鬼神
所嬈佛語羅云天下或生人嬈人或山神嬈
人或道溝邊鬼神嬈人或善死鬼神嬈人來
欲試人經道恐人欲知其心堅軟佛語羅云

汝取佛辟鬼神呪後儻有鬼神來嬈汝者持是鬼神名字以慈心說之

阿波竭 證證竭 無多薩 憍遲比遲

沾波沾波 迦羅准 維陵無 因輪無

指輪無 漢沙無 因登羅 宋林羅 和

林羅 波耶越羅 檀持羅

佛言是檀持羅經佛故爲諸弟子結恩經佛告諸弟子有急者當讀之鬼神儻來嬈人者當持慈心衷心淨還自視五藏思念五藏佛說是經時日月尚有墮地佛語終不有異今

佛說是檀持羅經以說生人欲來嬈人者不得嬈人山神亦不得嬈人道溝邊鬼神亦不得嬈人腥死鬼神亦不得嬈人善死鬼神亦不得嬈人聞是語火爲不然食飯得毒毒爲不行欲殺人刀爲不向溺深水中爲不沒難

行四

群有四子人行空閑處若行縣邑中大國中若對會若大座中耆老中伴侶中步行中坐卧中值有蠱道家者向讀是經蠱道爲不行佛卽爲羅云說使羅云爲諸比丘比丘尼優婆塞優婆夷及諸白衣皆令諷誦之

佛說檀持羅麻法述經

佛說護諸童子陀羅尼呪經

元魏三藏法師菩提留支譯

爾時如來初成正覺有一大梵天王來詣佛所敬禮佛足而作是言

南無佛陀耶 南無達摩耶 南無僧伽耶

我禮佛足尊	照世大法王	在於閻浮提
最初說神呪	甘露淨勝法	及禮無著僧
已禮牟尼足	即時說偈言	世尊諸如來
聲聞及辟支	諸仙護世王	大力龍天神
如是等諸衆	皆於人中生	有夜叉羅刹
常喜噉人胎	非人王境界	強力所不制
能令人無子	傷害於胞胎	男女交會時
使其意迷亂	懷妊不成就	或歌羅安陀
無子以傷胎	及生時奪命	皆是諸惡鬼
爲其作燒害	我今說彼名	願佛聽我說

行四

三